

# Powšitkowne WOZJEWJENJA

njedźelu, 20. meje 2018

## Putnikowanje młodžiny

serbska dekanatna młodžina změje swoje lětuše putnikowanje njedźelu, 27. meje. Młodostni zetkaja so w 9 hodź. we Worklečanskej kapałce. W 9.15 hodź. woteńdu zhromadnje w procesionje do Róžanta. Boža mša z chórom a hudźbnikami budže w 10.30 hodź. w hnadownej cyrkwi. Po kemšach nawróća so młodostni w procesionje do Worklec, hdžež budže w Don Boskowym domje wobjed. Za putnikowanje zwučuje chór hišće raz sobotu, 12. meje, wot 10 do 12 hodź. w Chróścicach na farje.

## Běh wo pokal zbóžneho Alojsa

Składnostnje lětušich 75. posmjertnych narodnin zbóžneho kapłana Alojsa Andrickeho su sportowcy wšěch starobnych skupin wot šěsć lět na běh wo pokal k jeho česći sobotu, 23. junija, do Radworja přeprošeni. Započatk je w 9.30 hodź. na nawsy. Běhać budže so po starobje rozdźelnje na čarach po 500, 1.000, 1.500 a 6.000 metrach. Přeprošeni su jednotliwcy runje tak kaž cyłki, na přikład šule, wosadne kružki, sportowe jednotki a wjesne kluby. Na běh wo pokal zbóžneho Alojsa přeprošuja Towarstwo Cyrila a Metoda z.t. (TCM), Sportowa jednotka 1922 Radwor a wjesna skupina strony CDU. Zajimcy měli so hač do pjatka, 15. junija, za běh přizjewić, po móžnosći z mailku na [Katolski@Posol.de](mailto:Katolski@Posol.de) abo telefonisce w redakciji Katolskeho Posoła pod čislom (0 35 91) 55 02 12.

## Kemše na Bože čělo w Róžeńće

Na swjedženju Božeho čěla, štwórtk, 31. junija, budže w Róžeńčanskej swjatnicy w 19 hodź. serbska Boža mša. Na nju su wšitcy či přeprošeni, kotřiž so dopođnja na kemšach wobdźělić njemóža.

## Wulět samostejacych

Wulět samostejacych ze serbskich wosadow budže štwórtk, 21. junija, a powjedže na hnadowne městno Krzeszów w Pólskej. Zajimcy njech so hač do pónđzele, 11. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

## Džělowej městnje w Radworju

W Katolskim serbskim džěcacy domje „Alojs Andricki“ w Radworju, kotryž je w nošerstwje katolskeje wosady Marije kralowny róžowca, pytaja wot 1. awgusta kublarja abo kublariku, tež tajkich, kotřiž móhli so k tomu připódlu skwalifikować. Nimo toho ma so 1. decembra městno nawody abo nawodnicy tutoho džěcaceho domu wobsadzić. Nadrobne wupisanje k tomu nańdu zajimcy pod [www.posol.de](http://www.posol.de).

## **Nalětni koncert w klósterskej zahrodže**

Wšitkich zajimcow zbliska a zdaloka přeprošuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedzelu, 27. meje, w 15.30 hodž. na zahrodže Zežiwjenskeho a zeloweho centruma w klóštrje Marijinej hwězdže w Pančicach-Kukowje. Program wuhotuja Lipjenjo z chórom Delnjoserbskeho džěćaceho a młodžinskeho ansambla z.t. Wot 15.00 hodž. poskića tam kofej a tykanc.

## **„Mjenje stresa – wjace wjesela“**

W Domje biskopa Bena w Smochćicach ma so w třecim tydženju lětnich prózdnin wot pónđzele do soboty, 16. do 21. julija, swójbny tydzeń pod temu „Mjenje stresa – wjace wjesela“ wotměć. Staršim z džěćimi wot třoch lět poskićuja tam móžnosć, we wšelakorych seminarach nastorki za wšědny dzeń w swójbje dóstać. Při tym pónđze wo respektny kubłanski stil, wo wid na potřebnosće džěći a młodostnych kaž tež wo to, na kotre wašnje móža starši na mylace zadžerženske wašnja přiměrjenje reagować. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy pod telefonowym čislom (03 59 35) 2 23 17.